

**"ARUBAANSE COURANT"**  
diariamente cu excepcion di  
dijadomingo  
subs. tipcion 1.35 pa luna  
edicion los 20 ct.

edita pa:  
N.V. Arubaanse Drukkerij- en  
Uitgevers- en Publiciteits Mij  
Nassaustraat 85 Ostad Aruba N.A.

imprimi na:  
N.V. Drukkerij "De Stad"  
Theaterstraat 11, Willemstad Curacao

Telefoon 1116 Directiva y redaccion,  
2116 Anuncio y subscripcion.

Directeur hoofdredacteur: D. Wolff.

# ARUBAANSE COURANT

**KING SIZE COCA-COLA**  
**MORE FOR YOU!**



Aruba



Diario pa

**Crush**



**SWIFT**

POTHAM

Bishita huespera pa come? No tin problema — Un sandwich di "Pot-  
ted Heat" prepara cu salada semper  
ta worde aprecht!

Agente: **Wimco**

Anja 25

DIAMARS 15 DI OCTOBER 1963

No. 4767

## DOOR DI LEWIS Y FIGAROA

### MOHAMMED OF MR. HEUFKE PRO- PONI COMO DIRECTOR I.O.W.U.A.

ORANJESTAD, 15 oct. — Ayera mainta e miemb-ro  
nan di Independent Oil Workers Union of Aruba, Vincen-  
te C. Figaroa y Michael Lewis, a dirigi nan mes na hues  
cu e peticion pa nombra senior E. J. E. Mohammed, griffier  
na Aruba of Mr. C. W. J. J. Heufke, notaris interino na  
Oranjestad, como director di I.O.W.U.A. Pa motibo di un  
sentencia di hues ariba dia 7 ultimo, e union aki pues a  
keda sin directiva.

Den nan carta di peticion na hues  
tur dos e caballeronan, a muestra cu  
e sentencia di dia 7 ultimo, na unda  
e ultimo directiva di e union a worde  
declara di no ta legal, no a hanja  
forza di cambio ainda y cu entretan-  
to e union a apela contra di e sen-  
tencia, pa motibo di cual manera ta  
worde bisa, e periodo di e union sin  
directiva ta keda existi numa. Tam-  
be atencion ta worde hala ariba e  
punto cu, desde e sentencia di dia 7  
e ultimo directiva no tin capacidad  
mas pa actua, mienras cu continua-  
mente cierto casonan tin di worde  
regla, manera pagamentu di huur di  
oficina, salarionan etc. y alavez e de-  
liberacion tocante di un C.C.T. nobo  
tin di cuminsa pronto, tur e factornan  
aki pues ta haci necesario pa un di-  
rector worde nombra tan pronto po-  
sibel.

En cuestion cu e proposicion cu  
a worde haci na hues pa nombra e  
ultimo directiva di IOWUA comple-  
to como e director di e union, senior  
Figaroa y Lewis ta bisa, cu segun  
nan opinion, "no por spera cu e di-  
rectiva aki lo haci su trabao manera

mester ta, esta neutral, na un manera  
experto y democratico, como cu hopi  
biha a worde muestra caba, cu e di-  
rectiva aki ta pone, decisionnan y o-  
pinionnan di hues como reglamento-  
nan segun ley pa IOWUA un banda y  
alavez continuamente ta purba pusha  
kende cu nan por, y hasta Lago, cu  
cual e C.C.T. nobo tin di worde scra,  
nan propio opinion y ideanan". Tam-  
be e dos caballeronan aki ta di opi-  
nion cu no por spera cu e directiva  
aki lo duna nan cooperacion pa e  
formamentu di un directiva nobo  
segun ley.

En cuestion cu e peticion cu e ca-  
balleronan aki a haci, hues lo dicidi  
pronto.

## 15 OCTOBER: CAMPEONATO DI SNELSCHAAK

ORANJESTAD, 15 oct. — Ave-  
nochi pa shet'or y mei desmas di un  
deliberacion tocante e reglanan di  
competitio nobo pa schak e cam-  
peonato anual di snelschak lo tuma  
lugar. E weganan ta cuminsa pa  
och'or. E temu cu por worde usa ta  
pa cada hungador cinco minuit. Es-  
un cu perde dos partido ta keda e-  
limina.

Schakvereniging Aruba entretan-  
ta traha un schema nobo di compe-  
titio, door di cual, e competitio lo  
transcurri mas rapido cu antes, cu  
chensnan mas rapido pa promocion y  
degradacion. Di e manera aki e com-  
petitio lo keda termina pa banda di  
april, despues di cual e seis clasifi-  
ca mas haltu lo cuminsa e lucha pa  
e campeonato di Aruba.

Un invitacion di e Schakverenig-  
ing di Corsow Capa Blanca dirigi  
na e club di Aruba, pa tuma parti na  
un torneo di hubileo na Corsow no  
por a worde acepta door di e Aru-  
banonan, como cu e torneo lo dura  
dos siman.

## Pueblo ta construi Kleuterschool di Santa Cruz



Diasabra atardi tabatin  
un ceremonia chiquito  
ariba e tereno pabau di  
Club Estrella na Santa  
Cruz, en coneccion cu e  
cuminsamento di e tra-  
bunan pa construccion di  
e kleuterschool di Santa  
Cruz. E ceremonia chiqui-  
to aki a worde efectua pa  
e dos hobencitonan (5 an-  
ja) kendenan, uno cu pik  
y otro cu shobbel, a haci  
e camienzo no-oficial di  
e cobamento di fundeshi  
di e school. Tabata Silvito  
Vrolijk y Hilbert Dirks,  
kendenan nos ta mira ta  
efectua acto di ceremonia,  
den presencia di senior  
Candido Angela, presi-  
te di e comite pa traha-  
mento di e kleuterschool.  
Tambe sduernan y maes-  
tronan di e kleuterschool  
di Santa Cruz (baraknan)  
y interesadonan. Ariba e  
otro portret nos ta mira  
senior A. (Poy) Werleman,  
miembro di eilandsraad,  
yudando cu cobamento di  
e fundeshi, mescos cu co-  
mo 30 otro hombernan di  
Santa Cruz. Senior Mario  
Croeze, kende ultimamen-  
te a worde nombra como  
hefe di Bouw- en Woning-  
toezicht di D.O.W., ta e  
persona cu ta percura pa  
tur cos tuma lugar mane-  
ra mester ta. Aki nos ta  
miré ta marcando e linja  
di marca pa e fundeshi.  
Y asina henter pueblo di  
Santa Cruz, sea cu trabau  
of financieramente ta yu-  
da pa pronto Santa Cruz  
tin su propio Kleuter-  
school, traha door di pue-  
blo pa e pueblo.



## Incidente Militar na Alemania tabata un malentendimientu

WASHINGTON, 15 oct. — E incidente cu e convoi  
militar Mericano cu tabata na caminda pa West Berlijn y  
cu a worde detene pa e Rusonan, ta worde mira segun cir-  
culendonan autorisa na Washington como un berdadero mal-  
entendimientu di e comandantenan local di Rusia, aunque  
cu e suceso tabata peligroso.

Segun funcionarionan, Merca, aunque  
cu e ta fechaza tur clase di control So-  
vietico, semper pa facilidad di su mes  
a haci participacion na e Rusonan ora  
cu nan ta bai pasa cu un convoi cu  
ta consisti di mas di cinco vehiculo.  
Ademas nan a admiti pa e Rusonan  
conta e cantidad di militarnan si esey,  
excluyendo e chauffeurnan ta surpasa  
31. Pero esaki ta un procedura cu Mer-  
ca mes quier dirigi y nan ta para riba  
nan derecho pa stipula esey manera e  
ta haya ta bon of cambie.

Nunca Merea a pone na altura di e  
Rusonan cu 31 ta e maximo y e mal-  
entendimientu a worde causa ora cu e  
Ruso, inconcientemente a exigui pa con-  
ta e grupo cu segun nan tabata muestra  
basta grandi.

Funcionarionan ta spera awor cu di-  
ficultadnan nobo por worde evita, door  
cu e Mericanonan a pone e Rusonan  
awor na altura di nan reglanan y a pidi  
pa evita repeticion di e suceso.

### Elogio Aleman

Tantu e partido cristian democraat y  
liberalnan, cu huntu ta forma e gobier-  
no di coalicion di Alemania West y e  
partido social democraat cu ta den opo-  
sicion, a elogia e actitud di e Meri-  
canonan den e incidentenan cu tabatin den  
ultimo fin di siman na algun post di  
frontera, na Berlin. Den un declara-  
cion di e partido social democraat ta  
worde bisa, cu e confianza di poblacion  
di Berlin na Merca a worde reforsa.  
E actitud Mericano a worde yama un  
contesta riba e continua sospechonan  
contra e intencionnan di Merca.

Canciller Adenauer, cu ta baha di  
su puesto e siman aki, a declara na

un reunion di su partido na Colonia.  
cu e incidente ta forma un prueba di  
su stipulacion, cu e Rusonan no ta  
muchu mas flexible contra occidente.  
El a cosecha un tremendo aplauso ora  
el a bisa, "simplemente mi no por ten-  
de e palabranan flojamantu di tension".

E sucesonan riba e carretera pa Ber-  
lin segun e canceller di Alemania West,  
Konrad Adenauer, no a worde causa pa  
actitud di oficialnan di rango mas abau.  
Adenauer a puntra: "Bo por imaginabo  
cu sera nos un oficial chiqui lo por  
haci algu asina sin apoyo politico". Ade-  
nauer a bisa asina na un recepcion di  
despedida pa prensa, cu el a tene ayera  
na Bonn.

Cu e accion ey Chroesjef quier a  
proba, despues di su transaccion di trigo  
cu Merca, cu e no ta depende di occi-  
dente. Segun e canceller directamente  
despues di e suceso cu e convoianan  
Mericano alarma numero un a drenta  
na vigor, local taifica cu algun uni-  
dad di aliadonan tabata den estado di  
alerta.

## EXCELENTE MUSICAL SHOW "FRED MULLER'S ORCHESTRA"

ORANJESTAD, 15 oct. — Des-  
pues di un preparacion solido di hopi  
luna, tabata asina leuw diabierna  
u.p. pa "Fred Muller's Orchestra" cu  
nan por a presenta dilanti publico pa  
promé biha.

Den un Centro Cultural comple-  
tamente jen, caminda nos a ripara  
e.o. denutido dr. G. A. Oduber: he-  
fe di Touristenbureau M. Kuiperi y  
H. Booi di Bureau voor Cultuur en  
opvoeding como 15 musico a presen-  
ta den diferente combinacion y estilo.  
Apesar cu nos a keda stroba pa pre-  
sencia e prome parti di e concier-  
to, esey no tabata un inconveniente pa  
forma nos un opinion husto di e hopi  
calidad y posibilidadnan di e grupo  
aki. E resultado di e periodo di tra-  
baw duru cu a precede e concier-  
to a sali claramente aki. Cu un co-  
mposicion di cuater sax: tur cu instru-  
mento adicional clarinete, tres trom-  
pet baho y ritmo, ademas 3 vocalista  
esta, R. del Rosario, Pearl Cromar-  
ty y Mrs. E. Carriernan ta forma e  
orkesta mas grandi di Aruba. Apesar  
cu Fred Muller su direccion den  
practico por gana poco mas, e ta me-  
rece tur elogio pa e manera cu e por  
a combina e instrumentalistanan aki  
na un unidad harmonico alina.

Di e hopi composicionnan, cu are-  
glonan sumamente bon traha, nos  
mester menciona siguramente "Fro-  
dus" e tema di neliula. E introduc-  
cion simfonico di e composicion aki  
tabata alai grandioso y enorme.

Fred Muller y su grupo por ta or-  
gulloso cu e resultado aki. E interes  
den e sala a demostra esey claramente  
tambe. Si e idea "Non commer-  
cial" por worde mantene, anto "Fred  
Muller's Orchestra" siguramente lo  
hania un lugat valioso den e comu-  
nidad Arubano

Ad Stenzen.

## AYUDO NA VICTIMANAN DI OREAN

ORANJESTAD, 15 oct. — De-  
partamento di Cruz Roja na Aruba  
un biha mas kler a recorda pueblo  
cu na tur e banconan di Aruba tin  
un cuenta special cu a worde habri  
pa e personanan cu kler duna yu-  
danza financiero pa e victimanan di  
e islanan cu a worde azota pa e  
orean "Flora". Tambe e portanan di  
Centro di Cruz Roja na Aruba, cual  
ta situa dilanti di prison na Dakota  
ta habri for di un cuarto pa cinco  
de 6'or y mei di atardi pa e perso-  
nanan cu kler duna un yudanza ma-  
terialmente. Especialmente Cruz Ro-  
ja ta interesa den cuminda, cual ta  
forma un scarcedad grandi na e isla-  
nan cu a worde azota.



Gobernador N. Debrot a entrega e distincion mas haltu di  
padvinder e tal "Vlaamse Gaai" na senior P. T. M. Sprockel,  
inspector di ensenjanza na Antillas, Senior Sprockel  
a ricibi e distincion aki a base di e hecho cu anjanan largu  
el a traha duru pa desarolla e Katholieke Verkenneren na  
Antillas, Riba e portret aki e momento riba dual e distincion  
unico a worde entrega na senior Sprockel.

## COMPETITIE A.V.B.

Awenochi pa 7.30 den WILHELMINA STADION

**SANTA-FE** vs. **RIVERPLATE**  
(A-Klasse)

Entrada general f. 0,50 — Mucha mitar prijs.



**MENTHOL FRESH**  
**RICH TOBACCO TASTE**  
**MODERN FILTER TOO**

## PADU TA PAPIA TOCANTE HYPNOTISMO

ORANJESTAD, 15 oct. — Senior  
Padu Lampe lo tene un discurso dia  
26 di luna aki pa e miembronan di  
Indische Club. E tema di e discurso  
aki ta "Hypnotismo". E discurso ta  
ser demostra cu chempelan practico.

## MINISTERNAN TA BISHITA ARUBA

ORANJESTAD, 15 oct. — Awe  
a jega, Aruba Minister C.D. Kroon,  
e director di gabinete di vice-minis-  
ter-president di Hulanda, Drs. A.  
Jonkers y senior A. van Dorren, he-  
fe di Centrale Accountants-kanselari  
di Den Haag. E huespednan lo delibe-  
ra cu bestuurscollege tocante e pro-  
mese fase di e plan di diez aña y ade-  
mas lo bishita e proyectonan den  
construccion.

Door di bestuurscollege e huesped-  
nan lo worde ofrese un diner den  
restaurant De Olde Molen. Diarazon  
mainta e Consho di Ministernan lo  
reuni na Aruba. Den curso di main-  
ta tambe un deliberacion lo tuma lu-  
gar cu bestuurscollege. B.C. lo ofrese  
e ministernan un lunch den Basi  
Ruti pa merdia.

Di 3.00 pa 5.00 den atardi minis-  
ter-president y minister di asuntunan

## I.C.A. LO TENE ANOCHI DI "NASSI"

ORANJESTAD, 15 oct. — Dia 30  
di e luna aki e miembronan di Indi-  
sche Club Aruba lo tene un anochi  
di NASSI na cas di e familia R. van  
der Smite. E receta di e anochi en-  
terativo aki lo ta pa yuda e spij on-  
tinan na Indonesia. NASSI ta sne-  
ra pa door di accionnan den tur skina  
di Reinado colecta e medianan pa  
paga e viahe pa Hulanda di e snijten-  
tintnan aki cu heni biha ta biba den  
gran necesidad. No ta prome biha  
cu ICA ta organiza pa e bon obra a-  
ki un anochi especial. Un ties a gree-  
di na anja 1960 a resulta den 6.500  
florin pa NASSI, anja pasa tabata  
poco menos 500 florin. Henter e  
club a worde mobiliza pa haci e fies-  
ta di dia 30 un exito.

## FATUM — Tel. 1845 pa tur bo asegurado

## BISHITA HALTU DI MARINA NA ARUBA

SAVANETA, 15 oct. — E co-  
mandante di Marina Hulandes, vice-  
admiral A.H.J. van der Schatte-  
Olivier lo bishita Aruba dia 16 p.v.  
E vice-admiral lo jega Aruba pa  
shet'or y mei pa prome bai Aruba  
Caribbean Hotel-Casino. Despues di  
a presenta su mes serca gobernador  
pa nuebor di mainta e lo bishita e  
kazerne di marinier na Savaneta di  
diez'or na diezdos'or y mei. Direc-  
tiva di Lago lo ofrese vice-almirante  
von der Schatte-Olivier un lunch den  
Guest House di Seroe Colorado. A-  
nochi di och'or pa diez'or lo tin un  
recepcion na su honor den longroom  
di e kazerne pa invitadonan.





Kende ta laga di un problema?  
Tur dia nos ta experimenta esaki:  
hobennan riba terreno di amor, school,  
deporte y na cas cu mayornan cu edu-  
cacion di nan finjan, relacion entre  
esposu cu nan señora, quehaceres di  
nan mes, relacion cu bisinja y familia.  
Como Rosemary sabi cuanto pro-  
blema ta molestia un of otro persona,  
e la pone su mes na disposicion pa  
tur diamars e duna conseho gratis riba  
e diferente problemanan cu bo por con-  
teñe den nos corant. Manda bo carta  
pa "Arubaanse Courant" Nieuwstraat  
85 y skirbi den un luki di e envelope  
bon cla "Correo Confidencial". Si cu  
caso bo problema ta concerni algo mu-  
cho personal y bo no kier pa e con-  
testa sali publica den corant, auto bo  
por ta asina lora di inclui den e enve-  
loppa otro envelope cu bo adres riba  
dje y stampia, y e ora ey bo ta hantá  
un contesta personalmente.  
Rosemarie ta dispuesto na yuda bo!

Querida amiga Rosemarie,

Mi ta un mucha muher di 20 anja i  
mi tin un mucha muher di 20 anja ey  
Mi a tende hopi di Rosemarie i awor  
mi tambe kier bin pidi bo un conse-  
ho. Mi mucha muher ta bin cas cuba,  
pero ora e bini mi tata ta cana rond  
cu un cara di bini i tambe e ta papia  
malo dilanti di dje. E'n kier pa mi sinta  
banda di mi mucha muher ni casi e  
no kier pa mi papia cune. Awor mi  
tata ta b'sa pa sigui asina. Mehor nos  
eava pronto. Pero esey mi ta haya im-  
posibel pasobra casamento ta costa pla-  
ca i toh nos no por eava bai biba  
hau di un palu. Ta un cas nos mester  
tin. Mi no por eava bai biba na cas  
di mi suegrosnan i tampoco aki cerca  
mi mama. Hende cu casa mester bai  
biba nan so. Mi ta spera cu Rosemarie  
lo kier duna mi un conseho kiko mi  
haci. No pone mi nomber den corant.  
Rosemarie, pero pone

Preocupada.

Preocupada.

Mi amiga, mi ta haya masia fasti-  
so lo ke bo ta pasando. Mi mester di-  
na bo razon i critica e manera cu bo  
ta tata ta haci. E ta demonstra cu e no  
tin confianza ni den bo ni den e mu-  
cha muher. Claro cu ta pasobra e tin  
miedo pa no pasa nada cu nos mancha  
bo nomber, e ta bael exagera asina.  
Papla cu bo tata i b'lele cu bo ta res-  
peta bo mes i cu e mucha muher ey  
ta respecta bo, wel bo tata no mester  
tin asina miedo.

Spar tanto cu boso por pa boso no  
tin di warda hopi tempo prome boso  
casa. Claro cu boso no por casa sin  
ta cla. I bo tin masia razon di no kier  
bai biba cerca su familia of bo familia.  
Cada pareha casa mester bai biba nan  
so, esey lo evita hopi desunion. E unico  
conseho, cu mi por duna bo ta: no keda  
mucho "preocupada"..... pero papia cu  
bo tata i bo mama i pidi nan por fabor  
di duna boso un poco confianza i un  
poco libertad. Tambe mi ta spera cu  
lo bo comporta bo dignamente pa bo  
por ta feliz despues den bo matrimonio.

Rosemarie.

Apreciada Rosemarie

Mi ta un mucha muher di 23 anja  
i mi ta loco namora di un galinja di 19.  
Rosemarie, tur cos tabata bai masia bon  
pero awor e ruman muher di mi mu-  
cha muher a bai ganja na su cas cu  
mi tin relacion cu un muher di 36 anja.



locual no ta berdad. Mi por sigura  
Rosemarie cu e muher di 36 anja ey  
ta un "mariposa", cu diferente vez a  
busca di hala mi atencion. E ta masia  
tibi den su locuranan i ta haei bon uso  
di su wowonan, su sonrisanan i su ya-  
madanan di telefon. Pero ami si no tin  
intencion di cai den trampa di e belle-  
za bieuw ey. Mi mucha muher tin 19  
anja i e ta bunita manera un flor. E  
ruman muher a bai ganja e cos ey,  
awor mi mucha muher na kier kere cu  
mi no tin nada di haber cu e muher di  
36 anja. Podiser e muher ey ta cana  
ganja cu mi ta stimle. Esey mi'n por  
yuda, mi no por defende mi contra  
mentira. Kiko mi mester haci pa con-  
vence mi mucha muher di mi amor  
p'ele i di e mentira ey? Duna mi un  
conseho i mi ta keda bo eternamente  
agradecido.

Sufriendo

Sufriendo.

Mi amigo, nan ta bisa cu pa pura  
cu mentira por core..... berdad ta core  
mas duro! Confia ey riba. Bai na cas  
cl bo "belleza di 19 anja" i splica aya  
cu ta un mentira grandi e cos aki ta.  
Bisa nan tambe, cu podiser e muher  
aya ta ganja riba bo pa rabla pasobra  
bo'n kier tin nada di haci cunele. Si  
bo bai splica mayornan, ruman i bo  
mes mucha muher e cos aki, lo tin mas  
chens pa nan kere bo. No perde cura-  
shi: si bo mucha muher ta stima bo e  
mester kere bo. Amor berdadero ta  
lmatu tur duda.

Evita e "viejita" sabi tanto cu bo  
por. Lastima cu tin muher no ta bira  
acolto nunca..... Nan ta keda haci nan  
mes ridiculo sin sa coanto hende ta  
haci bafon di nan tras di nan lomba!  
Tur e trabau cu wowo i sonrisa ta tra-  
bau di un tramposa, mi amigo!

Mostra bo mucha muher pa bo com-  
portacion i bo fiedad cu ta e so bo  
ta stima.

Rosemarie.

Amiga Rosemarie,  
.....Mi ta un tata di famia i mi  
eava ta ganja mi eu mi compader".....  
W.

W.  
Mi amigo, pa diferente motivo mi  
no por publica bo carta den Arubaanse

Courant, pero mi a pone e frase prin-  
cipal di bo carta aki riba, asina cu bo  
sa cu e contesta aki ta pa bo. E situa-  
cion di bo cas ta un situacion masia  
terribel. Un esposa cu ta ganja su casa  
ta un bajeza sin midir. Mi 'u ta com-  
prende com bo por sa precies ki ora  
e muher ey ta bini i ki ora e ta bai.  
Kiko ta sosode etc, etc, sla cu nunca  
bo a trata di sorpresa nan cu bo yega-  
da di repente cen cas. Tampoco mi'u  
por comprende cu bo por keda sin pa-  
pia nada aki riba cu bo esposa.

Mi conseho ta: na prome lugar do-  
mina bo rabia pa bo no perde razon.  
Papla awe mes cu bo casa i contele cu  
bo sa di tur su mentiran, su trato  
bajo cu bo. Bisele cu bo sa con el a  
deshonra boso hogar.

Si bo ta sinti bo basta calmo, yama  
e muher ey na telefon i b'lele cu bo  
ta na altura cl su proceder coharde  
i bisele cu si e no kier pa bo biba e  
taso mas aleuw, bo ta consehele pa  
pone un fin na e relacion aki cu bo  
casa.

Di e manera aki nan ta mira cu bo  
no ta kens, cu nan por sigui ganja bo  
kerendo cu bo no ta na altura di nan  
proceder. Pero por fabor domina bo.  
Talvez ta un locura gasahero nan tin  
pa otro i podiser bo esposa tin duele  
di e asunto aki. Podiser p'ecy e ta trata  
di muestra bo carino ora boso ta huntu.  
Mi ta spera cu boso bida lo boibe nor-  
malisa.

Rosemarie.

## YAMAMTU DI NACIONAN UNI PA YUDA SKOPLJE

NACIONAN UNI, 15 oct. — E  
Asamblea General di Nacionan Uni  
unanimemente a haci un yamamentu  
riba tur e paisnan miembro di e or-  
ganizacion pa yuda Jugoslavia na re-  
construccion di e ciudad Skoplje cu  
a worde destrui pa un 'emblor. E de-  
cision aki eu a worde acepta sin vo-  
tacion personal, probablemente pronto  
lo worde sigul pa yamamentunan  
pa yuda Italia cu a worde azota pa  
e inundacionnan na dam Vaiont des-  
pues di deslamente di terra den  
sercania y na Cuba, Haiti, Trinidad  
y Tobago, cu a worde azota pa e or-  
can Flora.

## PORTUGAL TA MENAZA KONGO CU REPRESALIA

NEW YORK, 15 oct. — Como re-  
presalia contra e yudanza cu Kongo  
ta duna na e movimientu di resis-  
tencia na Angola, Portugal ta menaza di  
lo laga hapornan grandi zink na des-  
embocadura di e Rio Kongo na e  
partu Kongoles. Asina premier Adeo-  
la a participa den un comunicado di  
cual e conicido a worde participa  
awe na New York.

Adocla a bisa, cu su pais lo no  
hala un banda pa amenazan. Pero  
e ta spera cu pronto Portugal lo cam-  
bia di idea y lo handona su politica  
colonialista.

Den e declaracion Kongoles ta  
worde papia tambe di un gran can-  
tidad di violacionnan di e territorio y  
espacio aerea di Kongo door di Por-  
tuguesnan. Tambe Portugal ta worde  
acusaa, eu e ta ofrece lugar di sconde  
na gruponan di militarnan di huur cu  
ta den servicio di esnan cu te ainda  
ta spera riba un separacion nobo di  
Katanga.

## HELIKOPTER A CAI NA AEROPUERTO DI NEW YORK

NEW YORK, 15 oct. — Seis per-  
sona a muri ajera, ora cu un heli-  
kopter a cai na aeropuerto Idlewild  
na New York ora cu e tabata bai  
lanta. E avion tabata pertence na  
New York Airways, cu ta usa cu'er  
heli-kopter bi-motor pa transporta pa-  
saheronan entre e tres aeropuer-  
nan pega cu New York. Tres di e  
victimanan tabata pasahero y e o-  
tro tresnan miembro di e tripulacion  
entre cu'el un stewardess ta worde a-  
cepta cu e avion a explota ora cu e  
tabata bai start.

## MISION COMERCIAL FOR DI HONG KONG

DEN HAAG, 15 oct. — Un mi-  
sion comercial for di Hong Kong,  
consistiendo di diez homber a yega  
ajera nochi cu trein for di Brussel  
na Den Haag. E mision ta bishitando  
e paisnan di Euromarkt.

Riba e programa tin bishitanan na  
fabricanan Hulandes y comersa-  
cionnan cu funcionan di go-  
bierno y personanan prominente di  
industria Hulandes.

## MACMILLAN A SCRIBI ADENAUER

LONDEN, 15 oct. — Premier Mac-  
Millan di Inglatera a scrabi cancller  
Adenauer di Alemania West un carta.  
MacMillan ta bisa den e carta: "Bo  
prestacion personal durante bo periodo  
di gobernacion, eu a dura 14 anja, ta  
berdaderamente grandi. Bo a guia bo  
pueblo for di e scuridat di un guerra  
catastrofal pa un existencia democrati-  
ca feliz.  
MacMillan ta tremina su carta cu e  
speranza, cu democracia lo expande  
tambe te na e Alemanan den e zona  
Sovietica.

## LUTO NACIONAL NA CUBA

HAVANA, 15 oct. — Gobierno Cu-  
bano a proclama tres dia di luto nacio-  
nal pa e mil victimanan di e orcan  
Flora. Asina un noticia for di Havana  
ta bisa.

## VERF MARCA ROMART

INTERIOR — EXTERIOR  
ROMART TA UN VERF MODERNO.  
CUIDADOSAMENTE MESCLA PA PRO-  
TEHA E SUPERFICIE COMPLETO.  
1 galon f. 5.10  
1/4 galon f. 2.25  
Tambe tin tur sorto di KWASHIL.  
Obtenible na:

## Panama Store

## SALUDO DI HONOR PA ADENAUER

WASHINGTON, 15 oct. — President  
Kennedy a dedica un saludo di honor  
na e cancller di Alemania West, Kon-  
rad Adenauer, quende ta baha awe for  
di su puesto despues di a dirigi su pais  
14 anja como cancller.

Den un carta na Adenauer Kennedy  
ta elogie como e homber, cu a guia  
Alemania West na democracia y sta-  
bilidad despues di e derrota di e pais  
den segunda guerra mundial y despues  
di hopi anja di dictadura nazi.

Kennedy ta bisa, cu Adenauer ta un  
importante luchador pa e union di West  
Europa y e pocio Atlantico y eu e  
relacionnan entre Alemania West y Mer-  
ca nunca tabata asina estrecha y eu e  
lazonan cu el a yuda asina tantu pa  
pega na otro lo queda existi. Alemania  
West ta worde respecta como campeon  
di paz y seguridad. Asina Kennedy a  
bisa den su carta na Adenauer.

## MINISTERRAAD DI E.E.G. TA REUNI

BRUSSEL, 15 oct. — Bou di presi-  
dencia di e secretario Hulandes di Exte-  
rior V. L. de Block, a cuminsa ayera na  
Brussel un reunion di dos dia di con-  
sehonan ministerial. Asina un noticia  
for di Brussel ta bisa.

Siman pasa Reina Juliana a bishita Boin  
Zabre, e pueblo mas grandi den e terri-  
torio di desastre na Persia, cu a keda  
destrao pa un temblor na september  
di anja pasa. Riba e portret: La Reina  
cu su seguita na caminda, mei mei di  
e rumanan. Un mucha muher chikitu di  
Persia ta cana banda di e bishitante  
halto.




ORA BO TA BAI TRAHA UN CAS.  
SEMPER TA BINI MAS PROBLEMA ACERCA  
PERO . . . .

## N.V. Arubaanse Wegenbouw Mij.

i'ey cu conseho y experiencia

- pa prepara e terreno pa construccion
- pa trahamento di caminda pa e cas y ga-  
rashi
- tambe pa
- plannan pa parcelacion
- trahamento di caminda
- trahamento di sportveld - manera cancha  
pa tennis, volleybal etc.
- e adres apropiado ta



## N.V. Arubaanse Wegenbouw Mij.

Druivenstraat 10 - Oranjestad

Tel. 1275 - 1276

## KNSM

your line

TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

SHIPS NAME	FROM:	TO:
TRITON	17-10-'63 U.S. Atlantic Ports.	Venezuela, Trinidad, Europe.
ORANJE NASSAU	19-10-'63 Caribbean Cruise.	Curaçao, Europe.
JASON	20-10-'63 Europe, Cincraeo	Ven., Guyanas, Europe
MARON	22-10-'63 Canada	Demerara, Europe.
ULYSSES	23-10-'63 U.S. Gulf Ports.	Cur. Ven., Tr'dad, Barbados, Guyanas
SOLOON	24-10-'63 U.S. Atlantic Ports.	Ven., Guyanas, U.S. Atlantic Ports









# DESASTRE NOBO TA MENAZA NA VAIONT, ITALIA

## Panico entre habitantenan

ROMA, 15 oct. — Riba e seru Toc, banda di e lago artificial Vaiont, unda siman pasa tabatin un deslismantu di terra, un massa grandi di piedra y terra a bolbe los y cuminsa slip. E massa ta move cu un velocidad di treinta centimeter pa minuut den direccion di e ciudad chiqui Cimolais y ta parce cu e masa lo bai basha den e lago.

Anteriormente a worde anuncia cu un grupo di expertonan despues di un investigacion di dos dia a yega na e conclusion, cu e dam den e lago ta completamente fuerte ainda y cu no tin peliger pa e barrionan situa mas aban den e valle di e rio Piave. Si, probablemente lo ta necesario pa bora un huracu den e dam, pa asina un parti di e awa cu ta resta den e lago por corre bai sin haci mucho desgracia.

### Panico

Den e territorio di Longarone e sobrevivientenan a drenta un panico pasobra e rumor tabata circula cu e dam a quibra. Nan ta para autonan cu tabata pasa pa por a bandona e valle mas pronto posibel.

E deslismantu nobo na noordost Italia ta bini exactamente cinco dia despues cu un enorme massa di barru-

ca a cui den e lago artificial tras di e dam na Vaiont. Segun calculo dos mil persona a muri a consecuencia di e inundacionnan cu tabatin despues. Cimolais ta un ciudad chiqui cu mas o menos mil habitante. E ta funciona actualmente como base for di unda e operacionnan di rescate ta worde dirigi y unda tin hopi persona cu a worde evacua for di e territorionan azota ta biba.

Segun e prime noticianan Cimolais no ta na peliger. Ta worde calcula cu e segundo deslismantu di terra lo cui den e parti oost di e lago artificial.

Segun e agencia Italiano di prensa "ANSA" un calculo di e deslismantu nobo no tabata posibel ainda.

Entretantu ainda militar y ciudadanonan ta sacando cadavernan for di den e lodo di e deslismantu di siman pasa.

Riba e portret aki nos ta mira un grupo di rescate ta busca sobrevivientenan den e territorio azota pa e desastre na Italia. E auto mas difanti a keda destrui door di e inundacion.

## ACCIDENTE AEREA NA HULANDA

ST. OEDENRODE, 15 oct. — Na Holland, den e comunidad St. Oedenrode, 2 avion militar Hulandes a cai. Segun e piloto di un di nan, kende a sali ileso di e desgracia, e dos avionnan a mishi cu otro den laira. Nan a pega candela. Un di e avionnan a explota for di otro mientras cu e tabata bini abao. E piloto di e anararo ey a muri. E otro piloto a sali ileso. E avionnan ta di e tipo Thunderstreak di un persona.

E piloto cu a sobrevivi e desgracia y cu a baha na un nananida, no a hanja ningun oportunidad pa su snantu kila. El a baha den un terreno unda tabatin un toro cu no a aprecia su bishitante for di den laira. E piloto, con malu cu e tabata sinti y con spanta cu e tabata, mester a corre duru pa e toro. Di chifra el a alcanza un porta tras di cual pa di dos biaha riba mesun dia e por a salba su bida.

## CONFERENCIA DI PAISNAN NO ASOCIA

CAIRO, 15 october. — President Nasser di Egipto y premier Bandaranaike di Ceylon ta convenci cu un conferencia di paisnan no asocia cu lo worde tene na cuminzamento di otro anja lo contribui na un mihor comprendemento entre e paisnan y menguacion di tension internacional. Nan a expresa e convencion ey den un comunicado comun cu a worde edita ajera na Cairo.

Senjora Bandaranaike, kende ajera a termina un bishita di cinco dia na Egipto, lo sigui pa Checoslovacia Polonia y Union Sovietica.

## INDONESIA TA QUIBRA COMUNICACIONNAN CU MALEISIA

DIJAKARTA, 15 oct. — Indonesia a kibra tur comunicacionnan comercial di radio y cable cu Maleisia como parti di e politica di confrontacion cu e federacion nobo.

Diabierne e comunicacionnan di telefon, a worde kibra. Luna pasa a sosode igual pero e siguiente dia e comunicacionnan a worde drecha atrobe sin cu autoridadnan a duna un motibu.

Awor un portavoz di e servicionan menciona ariba a declara cu e medida nobo lo keda na vigor pa tempu ilimita.

# China ta rechaza proposicion pa arbitrahe di India

PEKING, 15 oct. — Segun un nota du a worde publica den prensa Chines, y cual gobierno Chines a entrega gobierno di India poco dia pasa, China a rechaza e proposicionnan di India pa somete e conflicto fronterizo na un arbitraje internacional.

Gobierno Chines, cu ta acusa India di quier hiba un guerra friu largu contra China, ta declara den e nota cu e ta di opinion, cu door di e actitud di India negociacionnan actual lo no trece ningun resultado.

E nota tabata contesta di dos nota cu India a manda Peking na april y september di e anja aki.

Observadornan ta di opinion, cu publicacion di e contesta Chines ta relaciona cu noticianan, cu president Nkrumah di Ghana lo tin intencion pa bolbe cuminsa cu su intencionan di intermediacion di parti Afro-Asiatico.

E nota mas recien di China na India tocante e conflicto fronterizo entre e

dos paisnan na ta muestra cu China quier regla e asunto pacificamente. E documento no ta forma un bise pa un conversacion entre Tsjoe en Lai y Nehroe, asina un portavoz di e ministerio di Exterior na India a declara ayera.

El a bisa cu China, si e quier reanuda e negociacionnan cu India, anto China no tin nodi di haci nada otro cu acepta e proposicionnan di e conferencia di Colombo.

Reaccionando riba e oferta di e premier Chines pa bini India e portavoz a bisa despues cu esey sin suficiente preparacionnan adelanta no ta posibel.

## E TECNICONAN RUSSO NA CUBA

WASHINGTON, 15 oct. — Segun ta worde informa de fuente bon na altura na Washington, tin mas di 7.600 tecnico Ruso na Cuba. Na april president Kennedy a declara, cu ainda tin diezdos mil tecnico Ruso na e isla pero cu retiro di e Rusonan for di e isla ta sigui.

## DEMOSTRACION DI ESTUDIANTEENAN NA TEHERAN

TEHERAN, 15 oct. — Ajera tabatin incidentenan na Teheran entre estudiantenan cu tabata demostra y polis. E estudiantenan tabata tene un demostracion riba tereno di e Universidad contra e rector magnificus nobo, profesor Saleh, kende ta tambe dektor di emperatriz Farah. Tambe tabatin algun estudiante ta grita biba Mossadeg.

Profesor Saleh a hanja e estudiantenan contra dje door di algun medida cu el a tuma entre cual aumento di e suma pa inscripcion na e Universidad. Polis a plama e demostracionnan y a ocupa e Universidad.

## IGLESIA NA HUNGRIA

CIUDAD DI VATICANO, 15 oct. — E revista catolico semanal "Uj Ember", cu ta worde edita na Budapest, ta participa cu e negociacionnan entre Vaticano y gobierno Hungaro tocante liberacion di Cardenal Mindszenty a worde reanuda. Di parti di Vaticano nan ta tene e asunto aki en secreto.

## MAO TSE TOENG TA RETIRA?

PEKING, 15 oct. — Observadornan na Peking ta asombra di un noticia di un agencia Mericano di prensa cu Mao Tse Toeng parse ta na punto di retira como secretario general di partido comunista Chines. Nan ta muestra cu Mao ta president di e partido mientras cu e puesto di secretario general ta worde ocupa pa Teng Hsiao Ping.

## PRESU A SERA WARDADO DI PRESU

BRUNS, 15 oct. — E wardado di presu, Harold Weatherhead, kende diasabra anochi den e prison di Burns den e estado Mericano Oregon a worde sera pa dos presu den un cel, te ainda ta sera.

Ajera polis no por a hanja un drechador di slot di moda cu e wardado di presu mester a bolbe pasa un anochi mas sera. E presunan si ta liber.... te ainda.

## BO HOROSCOPO PERSONAL

ARIES 21 Maart — 20 April



Tampoco awe bo mester spera mucho cos di otro nan. No ta tempu pa fia placa of haci compromisonan pa hopi tempu.

TAURUS 21 April — 20 Mei



Bo no por spera mucho atencion y cooperacion di otro nan. Anochi ta muestra poco mas favorable esta riba tereno financiero.

GEMINI 21 Mei — 20 Juni



Tene un bista riba in erenan di bo trabao. No papia mucho especialmente riba asunto nan cu bo mester tene pa bo mes.

CANCER 21 Juni — 22 Juli



Probablemente awe lo duna bo menos libertad pa actua cu bo kler. Warda tranquil te ora situacion ta drecha.

LEO 23 Juli — 22 Augustus



Convence bo mes cu bo no ta come te erronan awe. Busca informacion correcto. No fuma documentonan mucho pura.

VIRGO 23 Augustus — 22 September



Viahenan cu bo haci awor, mester ta hopi necesario. Bo mester chens nan ta keda de circulo di bo finca.

LIBRA 23 September — 22 October



No opinion por incorrecto awor. Sina ta tene pos cuidao cu loke ta ta papia of scita. Pospone decisionnan vital.

SCORPIO 23 October — 22 November



Tambe bo personalidad ta domi y lo cai bo influencia otronan. Pero keda sa bo tacto y diplomacia.

SAGITARIUS 23 November — 21 December



Trata pa pone centu riba asunto nan di rutina y pone bo problema personal di ti hendenan. Achi aspectonan mehor.

CAPRICORNUS 22 December — 19 Januari



Tene un bista ba e aspecto financiero di awe pa vida perdida. Tempu pa bo algu pa balanza finanzas.

ACUARIUS 20 Januari — 18 Februari



No spera mucho di otro nan y tur cos bo mester mustra bo mes. Ihu critico oronnan no la cu pli cu nan del nan.

PISCES 19 Februari — 20 Maart



Tene cuenta awe no tur cos bal segun plan. Spera mucho poco riba ayudo promesanan di tro.

## PROME BUKI DI FIDEL CASTRO

FRANKFORT, 15 oct. — E co buki cu e lider Cubano, Fidel Castro a yega di scirbi, lo worde na aña 1964 pa e editor Feltrinelli na Milan. Asina e editor Italian participa na e bolsa di buki na Frankfurt. E tabata e prome persona publica e buki "Doctor Zivago" Boris Pasternak.

Poco tempu pasa el a hanja h ta di un representante di Fidel Castro, kende a ofrese e derecho mundial pa publicacion di e buki.

CISCO KID presenta na cortesia di ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.

1. Ata un ta bai cina!
2. Un bisel pakiko uno? Shhhhh!
3. Laga nos bai! Nos tin cu hibe na e Cajon!



PEPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.


1. Bo tin sigur cu ta esaki nos tin cu hiba?
2. Si, sigur.
3. Bwa... laga nos hibe an-to.
4. Flip.
5. Pero mi a kere cu bo a bisa mi di un stul.



BUCHI ROBEZ presenta pa cortesia di PIET'S SODA FOUNTAIN

tel. 2123

★ e mehor adres pa snacks, tur clase di dushi, softdrinks,



Esaki ta e dam di Vaiont na Italia caminda un deslismantu di terra a causa cu e awa den e lago tras di e dam a inunda diferente pueblo den e valle. Mas di 4000 hende a perde nan bida durante e desastre aki.